

TARIKH: 6/3/2023  
SURAT KHABAR: Kosmo  
MUKA SURAT: 14

## Kerajaan perlu pastikan tawaran kursus selari dengan keperluan industri

# Ada pihak kaut untung program TVET

**PETALING JAYA** – Isu berkaitan program latihan kemahiran teknikal dan vokasional (TVET) tidak akan selesai selagi ada pihak berkepentingan menggunakan platform pendidikan dan latihan itu sebagai sumber mengaut keuntungan.

Menurut Pengarah Eksekutif National Digital TVET Innovation Centre (NDTIC), Prof. Dr. Razali Hassan berkata, pada ketika ini, terdapat lebih 12 kementerian yang melaksanakan pendidikan dan latihan vokasional mengikut model dan acuan masing-masing.

Katanya, pada masa sama terdapat 1,275 institusi TVET yang melaksanakan latihan dan banyak pihak yang mengaku agensi mereka yang memenuhi keperluan industri.

“Sepatutnya mereka ini bersatu menyumbang kepada pembangunan dan bukannya mengaut keuntungan,” katanya dalam satu kenyataan semalam.

Sehubungan itu, Razali berpen-



**GAMBAR** fail pelajar yang terlibat dalam pertandingan membaiki kenderaan sempena perasmian Karnival TVET Malaysia Zon Timur 2018 di Kuantan, Pahang.

dapat, TVET perlu diberikan imej baharu sesuai dengan transformasi dunia digital masa kini yang akan mendominasi alam peker-

jaan pada masa akan datang.

Razali yang juga Profesor Fakulti Pendidikan Teknikal dan Vokasional Universiti Tun Hus-

sein Omn Malaysia berkata, peranan institusi itu perlu disemak semula agar dapat membezakan peranan masing-masing dengan

institusi pengajian tinggi.

Ujarnya, kerjasama dengan pihak industri sangat diperlukan bagi memastikan program yang ditawarkan selari dengan permintaan dan perkembangan industri tempatan dan antarabangsa.

“Melalui latihan kemahiran ini akan memudahkan negara melahirkan lebih ramai graduan TVET berbanding akademik bagi mengelak berlakunya pembaziran melalui latihan dan pendidikan yang perlu dilakukan secara berulang,” katanya.

Dalam pada itu, Dr. Razali memaklumkan, pada 2020, sebanyak 78,655 graduan TVET telah dikeluarkan oleh pelbagai institusi, namun masih ada isu pengangguran dalam kalangan mereka.

Bagaimanapun jelasnya, graduan TVET mempunyai peluang lebih baik dalam bidang pekerjaan berbanding mereka yang menamatkan pengajian dalam bidang akademik.